



Na osnovu člana 54. stav 3. Zakona o sportu-prečišćeni tekst («Službene novine Kantona Sarajevo», broj: 45/12) i člana 14. Odluke o načinu ostvarivanja javnog interesa općine Ilijaš u oblasti sporta («Službene novine Kantona Sarajevo», broj: 17/02), Općinski načelnik donosi

PRAVILNIK
o kriterijima za finansiranje javnog interesa
Općine Ilijaš u oblasti sporta

Član 1.

Ovim Pravilnikom utvrđuju se kriteriji za finansiranje javnog interesa općine Ilijaš (u daljem tekstu: Općina) u oblasti sporta na području Općine, utvrđenog Odlukom o načinu ostvarivanja javnog interesa općine Ilijaš u oblasti sporta («Službene novine Kantona Sarajevo», broj: 17/02 – u daljem tekstu: Odluka).

Član 2.

Budžetska sredstva planirana za finansiranje javnog interesa općine Ilijaš u oblasti sporta dodjeljuju se isključivo na osnovu programa i prijave po Javnom pozivu koji raspisuje Općinski Načelnik putem Službe za društvene djelatnosti općine Ilijaš, do 15. jula svake godine putem lokalnog Radija, oglasne ploče, web stranice ili poziva za dostavljanje aplikacije.

Programi trebaju biti u funkciji ostvarivanja strateških ciljeva općine Ilijaš u oblasti sporta.

Javni poziv ostaje otvoren 15 dana od dana objavljivanja.

Neblagovremene i nepotpune aplikacije neće se uzimati u razmatranje.

Svaka organizacija/aplikant mora podnijeti program koji sadrži:

1. uvodne napomene,
2. opis programa,
3. ciljeve programa,
4. vrste planiranih aktivnosti i mjesto njihovog odvijanja,
5. rang takmičenja
6. kalendar takmičenja za godinu za koju se traži finansiranje,
7. metod rada i očekivane rezultate,
8. broj učesnika i njihovu starosnu dob,
9. troškovnik sa dinamikom trošenja sredstava.

U programu, pored elemenata navedenih u prethodnom stavu, navodi se za koja sredstva se aplicira (član 4. Pravilnika).

Član 3.

Za programe iz oblasti sporta odvajace se 73% od ukupno planiranih budžetskih sredstava, 17% ce se izdvajati za subvencioniranje troškova grijanja u sportskoj dvorani Ilijaš na osnovu ispostavljenih faktura za plin, a preostalih 10% ce biti utroseno za izvanredne situacije, kao što su nagrade, podrška reprezentativcima, organizacija međunarodnih turnira, odlasci na međunarodne turnire, priznanja ili jednokratne pomoći za provođenje aktivnosti od interesa za općinu Ilijaš. Odluku o utrosku 10% sredstava za izvanredne situacije donosi Načelnik Općine.

Član 4.

Polazeći od odredbi Zakona o sportu, kao i opredjeljenja Općinskog vijeća Ilijaš navedenih u Odluci o načinu ostvarivanja javnog interesa općine Ilijaš u oblasti sporta, sredstva planirana budžetom Općine, kao i ovim Pravilnikom za finansiranje programa iz oblasti sporta (90% od ukupno planiranih budžetskih sredstava), dodjeljuju se:

- I) 60% sredstva planiranih za finansiranje programa koji se odnose na razvoj takmičarskog sporta i to:
 - uplate kotizacija za takmičenja,
 - uplata članarina matičnim savezima,
 - registracije igrača,
 - ljebarske preglede igrača,
 - licenciranje igrača,
 - osiguranje igrača,
 - uplate za službena lica,
 - prevoz na takmičenje,
 - za finansiranje specifičnih aktivnosti udruženja (koje su karakteristične i nužne u odnosu na druga udruženja) navedenih u projektima,

NAPOMENA: Služba za društvene djelatnosti je dužna izvršiti provjeru visine iznosa u programu traženih sredstava kod matičnih saveza, kao i kod drugih nadležnih institucija.

- II) 30% sredstva planiranih za finansiranje programa koji se odnose na masovno uključivanje šire populacije Općine Ilijaš u sportske aktivnosti na aktivnom i rekreativnom nivou, posebno u funkciji zdravlja građana, afirmacije društvenih vrijednosti i prevencije devijantnog ponašanja mladih.
- III) 10% sredstva planiranih za finansiranje programa koji se odnose na školovanje stručnog kadra (u skladu sa članom 18. i 33. Zakona o sportu).

OPĆI KRITERIJI

Član 5.

Svaka organizacija u sportu koja ima namjeru aplicirati za dodjelu sredstava mora ispunjavati slijedeće uslove:

- da je nosilac programa, odnosno podnosilac aplikacije organizovan u skladu sa pozitivnim zakonskim propisima najmanje 12 (dvanest) mjeseci prije objave Javnog poziva, te da blagovremeno izvršava obaveze u skladu sa članom 33. Zakona o udruženjima i fondacijama ("Službene novine Federacije BiH", broj:45/02),
- da je održala redovnu godišnju izvještajnu skupštinu do 31. maja tekuće godine za prethodnu godinu,
- da ima sjedište na području općine Ilijaš,
- da je zahtjev podnio Upravni odbor ili Predsjedništvo udruženja, organizacije ili asocijacije,
- da je stručni rad u sportskoj organizaciji usklađen sa zakonskim odredbama, u skladu sa članom 18. i 33. Zakona o sportu-prečišćeni tekst ("Službene novine Kantona Sarajevo" broj: 45/12),
- da vodi matičnu evidenciju sportista i stručnog kadra na propisanim obrascima (u skladu sa Pravilnikom o sadržaju i načinu vođenja matične evidencije u sportu na području Kantona Sarajevo, "Službene novine Kantona Sarajevo", broj: 23/03),
- da ima obezbijedene tehničke uslove za realizaciju planiranih aktivnosti,
- dokazanu sposobnost za realiziranje aktivnosti iz oblasti sporta,

- da ima usvojen Program rada za tekuću godinu,
- da ima finasijski plan za tekuću godinu,
- da ima finasijski izvještaj za predhodnu godinu sa Bilansom stanja i Bilansom uspjeha ovjeren od AFIPA do 28. februara tekuće godine,
- da je ispoljena racionalnost u korištenju ranije dodjeljenih sredstava i da su budžetska sredstva uredno i na vrijeme pravdana.

POSEBNI BODOVNI KRITERIJI

Član 6.

a. Program za razvoj takmičarskog sporta

R.b.	POSEBNI KRITERIJI	Težinski faktor	Bodovi
1	Nacin finansiranja	15	
2	Takmičarski sportovi	20	
3	Broj članova kluba/učesnika manifestacije	20	
4	Relevantnost	15	
5	Tradicija postojanja kluba/održavanja manifestacije	10	
6	Dobne kategorije članstva/učesnika manifestacije	10	
7	Kadrovska struktura kluba	10	
	Ukupno	100	
1	Nacin finansiranja	15	
	Finansiranje iz drugih izvora preko 50%		5
	Finansiranje iz drugih izvora preko 40%		4
	Finansiranje iz drugih izvora preko 30%		3
	Finansiranje iz drugih izvora preko 20%		2
	Finansiranje iz drugih izvora preko 10%		1
	Nema obezbijedene druge izvore finansiranja		0
2	Takmičarski sportovi	20	
	Klub se takmici u prvoj ligi BiH/Turnir izvan granica BiH		5
	Klub se takmiči u prvoj ligi Federacije BiH/Turnir na državnom nivou		4
	Klub se takmiči u drugoj ligi Federacije BiH/Turnir na nivou FBiH		3
	Klub se takmiči u kantonalnoj ligi/ Turnir na kantonalnom nivou		2
	Klub se takmici u općinskoj ligi/ Turnir na općinskom nivou		1
	Sportskorekreativni klub		0
3	Broj članova kluba/učesnika manifestacije	20	
	Klub/manifestacija ima preko 100 članova/učesnika manifestacije		5

	Klub/manifestacija ima od 50 do 100 članova/učesnika manifestacije		4
	Klub/manifestacija ima od 10 do 50 članova/učesnika manifestacije		2
	Klub/manifestacija ima manje od 10 članova/učesnika manifestacije		0
4	Relevantnost	15	
	Program doprinosi realizaciji strateškog cilja		3
	Program ne doprinosi realizaciji strateškog cilja		1
5	Tradicija postojanja kluba/održavanja manifestacije	10	
	Klub/manifestacija postoji duže od 25 godina		5
	Klub/manifestacija postoji duže od 20 godina		4
	Klub/manifestacija postoji duže od 10 godina		3
	Klub/manifestacija postoji od 5 do 10 godina		2
	Klub/manifestacija postoji od 1 do 5 godina		1
	Klub/manifestacija postoji do 1 godine		0
6	Dobne kategorije članstva/učesnika manifestacije	10	
	Sve dobne kategorije		5
	Pioniri		4
	Kadeti		3
	Juniori		2
	Seniori		1
7	Kadrovska struktura kluba	10	
	Klub ima kvalifikovanu kadrovsku strukturu (VSS)		3
	Klub nema kvalificiranu kadrovsku strukturu (VSS)		0

Član 7.

b. Program za održavanje, izgradnju i rekonstrukciju sportskih objekata, kao i nabavku sportske opreme i rekvizita.

R.b.	POSEBNI KRITERIJI	Težinski faktor	Bodovi
1	Broj korisnika	50	
2	Učešće u finansiranju	30	
3	Projekat uvršten u strateške dokumente	20	
	Ukupno:	100	

1	Broj korisnika	50	
	Preko 1000 korisnika		5
	Preko 500 korisnika		4
	Preko 300 korisnika		3
	Do 300 korisnika		2
	Do 100 korisnika		1
2	Učešće u finansiranju	30	
	Preko 30%		5
	Do 30%		3
	Bez finansijskog učešća		1
3	Projekat uvršten u strateške dokumente	20	
	Projekat uvršten u Strategiju razvoja Kantona		5
	Projekat uvršten u Strategiju održivog razvoja općine Ilijaš		3
	Projekat nije uvršten u Strategiju razvoja		1

Član 8.

Prispjele programe, dostavljene u Službu za društvene djelatnosti po Javnom pozivu, razmatra i ocjenjuje Komisija za kulturu i sport Općinskog vijeća Ilijaš, te utvrđuje rang listu dostavljenih programa shodno bodovnim kriterijima iz člana 6. i 7. ovog Pravilnika. Na osnovu utvrđene rang liste Komisija predlaže raspodjelu sredstava, na osnovu koje Općinski Načelnik donosi odluku o dodjeli budžetskih sredstava za jednu budžetsku godinu.

Član 9.

Isplata odobrenih budžetskih sredstava vrši se u pravilu jednokratno, mjesečno ili tromjesečno, zavisno od dinamike realizacije prihvaćenog programa, kao i dinamike priliva budžetskih prihoda.

Dinamiku isplate utvrđuje Općinski Načelnik na prijedlog nadležne Službe za društvene djelatnosti.

Općinski Načelnik može vršiti korekciju planiranih sredstava za korisnike navedene u Odluci o dodjeli budžetskih sredstava, shodno izvršenju Budžeta općine Ilijaš u toku godine, a na osnovu kvartalnih izvještaja o njegovom izvršenju.

Član 10.

Za programe koji traju godinu dana, korisnici budžetskih sredstava dužni su mjesečno dostavljati finansijski i narativni izvještaj o utrošku dodjeljenih sredstava Službi za društvene djelatnosti, a tromjesečne Izvještaje Službi za privredu, finansije i investicije koja sačinjava Informaciju o izvršavanju Budžeta za Općinsko vijeće.

Za programe koji traju do šest mjeseci, korisnici budžetskih sredstava dužni su nadležnim općinskim Službama iz prethodnog stava dostaviti finansijski i narativni izvještaj odmah po okončanju programa.

Ukoliko korisnici ne dostave navedene izvještaje, Općinski Načelnik može obustaviti finansiranje odobrenog programa.

Član 11.

Ovaj Pravilnik stupa na snagu danom donošenja, a naknadno će se objaviti u «Službenim Novinama Kantona Sarajevo».

Član 12.

Stupanjem na snagu ovog Pravilnika prestaje da važi Pravilnik o kriterijima za finansiranje javnog interesa Općine Ilijaš u oblasti sporta broj: 01/2-07-40-1485/10 od 21.10.2010. godine

Broj: 01/2-07-40-¹⁵³⁶/12
Ilijaš, 17.12.2012. godine

OPĆINSKI NAČELNIK
Akif Fazlić, dipl.ecc.



Ul. 126. Ilijaške brigade br. 6, 71380 Ilijaš
Tel. ++387 33 580-620, 580-690, fax. 400-505,
Transakcijski račun kod VAKUFSKE BANKE, d.d. Sarajevo: 160200000710645
e-mail o_ilijas@bih.net.ba



Broj certifikata: CR14625Q